

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 4. sjednici, održanoj dana 19.01.2023. godine, d o n o s i

ZAKLJUČAK

I.

Usvaja se Informacija o stanju u oblasti raseljenih lica i povratnika na području Zeničko-dobojskog kantona za 2022. godinu.

II.

Zaključak stupa na snagu danom donošenja.

PREMIJER

Amra Mehmedić

Broj: 02-_____/23

Datum, 19.01.2023. godine

Z e n i c a

DOSTAVLJENO:

1x Ministarstvo za rad, socijalnu politiku i izbjeglice,

1x a/a.

Bosna i Hercegovina
Federacija Bosne i Hercegovine
ZENIČKO - DOBOJSKI KANTON
MINISTARSTVO ZA RAD,
SOCIJALNU POLITIKU I IZBJEGLICE



Bosnia and Herzegovina
Federation of Bosnia and Herzegovina
ZENICA - DOBOJ CANTON
MINISTRY OF LABOR, SOCIAL AFFAIRS,
THE DISPLACED & REFUGES

I N F O R M A C I J A
o stanju u oblasti raseljenih lica i povratnika
na području Zeničko-dobojskog kantona

Zenica, decembar 2022. godine

S A D R Ź A J

1.	UVOD	STR. 3
2.	PRAVNO UREĐENJE STATUSA RASLJENIH LICA I POVRATNIKA	STR.3
3.	BROJČANI POKAZATELJI I NAČIN SMJEŠTAJA RASELJENIH LICA	STR. 4
3.1.	BROJ RASELJENIH LICA U 2022. GODINI	STR. 4
	NAČIN SMJEŠTAJA RASELJENIH LICA I POVRATNIKA	STR. 4
3.2.		
4.	POVRATAK RASELJENIH LICA NA PODRUČJE KANTONA	STR. 6
5.	PROJEKTI OBNOVE STAMBENOG FONDA I ODRŽIVOG POVRATKA	STR. 6
5.1.	PROJEKTI POTPORE POVRATKU MINISTARSTVA ZA RAD, SOCIJALNU POLITIKU I IZBJEGLICE	STR: 6
6.	OSTALE POMOĆI RASELJENIM LICIMA	STR. 9
7.	ZAKLJUČNA RAZMATRANJA	STR. 9

1. UVOD

Programom rada Vlade Zeničko-dobojskog kantona za 2022. godinu predviđeno je razmatranje Informacije o stanju u oblasti raseljenih lica i povratnika na području Zeničko-dobojskog kantona.

Procesa povratka se treba sagledavati sa aspekta socijalnih kategorija budući da je najveći broj raseljenih lica koja se još uvijek nisu vratila u prijeratna mjesta stanovanja socijalna kategorija, lica bez primanja ili lica na rubu egzistencije. Poseban problem su raseljena lica koja prije rata nisu imala imovinu, odnosno lica čiji je status revidiran na temelju zaštite ljudskih prava, humanitarnih i drugih razloga (žrtve nasilja, traume i zlostavljanja i sl.) kao i porodice kod kojih ne postoji mogućnost rekonstrukcije prijeratnih stambenih jedinica.

Većina raseljenih lica koja su evidentirana na području Kantona pripadaju posebno ranjivim kategorijama stanovništva kao što su: tjelesno i mentalno onesposobljena lica, hronični bolesnici, porodice sa jednim roditeljem, djeca bez roditelja, starija lica bez sredstava za život i ostala lica koja imaju objektivne razloge zbog kojih se ne vraćaju u prijeratna mjesta življenja.

S obzirom na specifičnost ovih kategorija potrebno je na senzibiliziran način pristupiti iznalaženju trajnih rješenja bilo izgradnjom zgrada za socijalno-neprofitno stanovanje, ili kroz smještaj u ustanove specijalne namjene. S tim u vezi potrebno je angažiovati sve relevantne institucije na rješavanju pitanja zdravstvene zaštite, obrazovanja, socijalne zaštite, a naročito obezbjeđivanja pretpostavki za zapošljavanje i samozapošljavanje povratnika.

U Informaciji su dati pokazatelji koji se odnose na strukturu raseljenih lica na području Zeničko-dobojskog kantona, alternativno stambeno zbrinjavanje te osvrt na realizovane projekte stambenog zbrinjavanja raseljenih lica i osvrt na infrastrukturne projekte u povratničkim zajednicama.

2. PRAVNO UREĐENJE STATUSA RASELJENIH LICA I POVRATNIKA

Zaštita i socijalno statusni položaj raseljenih lica, propisani su federalnim i kantonalnim zakonima. Zakonom o raseljenim licima i povratnicima („Službene novine Zeničko-dobojskog kantona“, broj: 6/06, 10/08 i 10/11) raseljenim licima i povratnicima privremeno se osiguravaju sljedeća prava:

- pomoć u nužnoj opravci vlastitih kuća ili stanova;
- pomoć u korištenju kredita ili donacija za otpočinjanje poslova u pogledu stvaranja prihoda za sebe i svoju porodicu;
- privremeni smještaj;
- neophodna ishrana;
- socijalna adaptacija i psihološka podrška;
- zdravstvena zaštita;
- obrazovanje djece i omladine;
- podmirenje drugih nužnih životnih potreba.

Prema odredbama naprijed citiranog Zakona prioritet je ostvarivanje prava na obnovu stambenog fonda i privremeni smještaj.

Raseljena lica i povratnici na području Zeničko-dobojskog kantona ostvaruju osnovna socijalna prava, shodno odredbama Zakona o socijalnoj zaštiti, zaštiti civilnih žrtava rata i zaštiti porodice sa djecom („Službene novine Zeničko-dobojskog kantona“, broj: 13/07, 13/11, 3/15 i

2/16), jednako kao i svi građani, odnosno, domicilno stanovništvo Zeničko-dobojskog kantona.

3. BROJČANI POKAZATELJI I NAČIN SMJEŠTAJA RASELJENIH LICA

U 12 (dvanaest) gradova/općina Zeničko-dobojskog kantona, prema podacima općinskih/gradskih službi nadležnih za raseljena lica i izbjeglice, trenutno je evidentirano 552 porodica, odnosno 1479 raseljenih lica.

3.1. BROJ RASELJENIH LICA U 2022 GODINI

Posljednja reregistracija raseljenih lica izvršena je u periodu od 15. decembra 2004. godine do 31. marta 2005. godine, kada je registrirano 20210 lica. Dio raseljenih lica se vratio u prijeratno prebivalište bez odjave kod nadležne općinske službe, dijelu raseljenih lica je pravosnažnim rješenjima ukinut status raseljenog lica zbog stvaranja uvjeta za povratak obnovom stambenih objekata, vlastitim izborom mjesta življenja ili zbog smrti.

Prema evidencijama koje se vode u gradovima/općinama na području Kantona zbrinuto je 1479 raseljenih lica odnosno 552 porodice. Po modelu „plaćanja stanarine” zbrinute su 14 porodice.

U tabeli 1. dat je pregled brojčanog stanja raseljenih lica zaključno sa oktobrom 2021. godine.

Tabela 1.

R.br.	Općina	Broj ras. Lica	Broj ras. porodica	Br.porodica u alternativnom smještaju	Broj porodica u kolekt. smještaju
1.	Breza	34	17	1	0
2.	Doboj Jug	26	10	0	0
3.	Kakanj	154	59	0	0
4.	Maglaj	111	41	0	0
5.	Olovo	143	51	0	0
6.	Tešanj	212	59	0	0
7.	Usora	0	0	0	0
8.	Vareš	19	15	0	0
9.	Visoko	213	83	3	0
10.	Zavidovići	304	103	10	0
11.	Zenica	186	92	0	0
12.	Žepče	77	22	0	0
UKUPNO		1479	552	14	0

3.2. NAČIN SMJEŠTAJA RASELJENIH LICA I POVRATNIKA

Raseljena lica i povratnici na području Kantona smješteni su na različite načine. Dio raseljenih lica smješten je u alternativnom smještaju po modelu “plaćanje stanarine”, dio u zgradama Radakovo i Crkvice u Zenici, a ostali su smješteni privatno, kod rođaka, prijatelja i sl.

Povratnici na područje Zeničko-dobojskog kantona vratili su se u stambene objekte obnovljene ili vlastitim sredstvima ili putem različitih donacija, stanuju u privatnom smještaju za koji sami plaćaju stanarinu, ili su kod rođaka, prijatelja i slično dok im se ne obezbijede uvjeti da kroz donacije obnove svoje prijeratne stambene jedinice.

3.2.1. Pravo na privremeni smještaj po modelu plaćanja stanarine

Od 2001. godine raseljenim licima, kojima je priznato pravo na privremeni smještaj i koji ostvaruju primanja ispod zakonski određenog cenzusa mjesečnih primanja, odobrava se alternativni smještaj po modelu "plaćanje stanarine". Članom 13. i članom 15. Zakona o raseljenim licima i povratnicima Zeničko-dobojskog kantona („Službene novine Zeničko-dobojskog kantona“, broj: 6/06, 10/08 i 10/11) propisan je način ostvarivanja prava na privremeni smještaj raseljenih lica „plaćanjem stanarine“ i visine iznosa mjesečnih stanarina u zavisnosti od broja članova domaćinstva.

Po ovom osnovu stambenog zbrinjavanja zbrinuto je 14 porodica. Za ovu namjenu u toku 2022. godine utrošena su sredstva u iznosu od 12.480,00 KM.

U toku 2022. godine završena je zgrada za socijalno-neprofitno stanovanje, na području grada Zavidovića, čiji su stanari raseljena lica.

Rješavanje ovakvih i sličnih slučajeva omogućeno je putem realizacije Projekta UNHCR, Ministarstva za ljudska prava i izbjeglice, Federalnog ministarstva raseljenih osoba i kantonalnih ministarstava "Zatvaranje kolektivnih centara kroz omogućavanje javnih stambenih rješenja-CEB II" čiji je cilj iznalaženje odgovarajućih rješenja za trajno stambeno zbrinjavanje potencijalnih korisnika, a posebno ranjivih kategorija raseljenih lica.

Od 2005. godine dio najranjivijih raseljenih lica, lica starije životne dobi i bez porodičnog staranja, lica sa invaliditetom i drugim zdravstvenim teškoćama, stambeno je zbrinuto u dva stambena objekta u Zenici. U ovim namjenski izgrađenim zgradama za smještaj starih i iznemoglih raseljenih lica "Radakovo" i "Crkvice" smješteno je 39 porodica kojima se u ovisnosti od materijalnih prilika plaćaju režijski troškovi.

Stanovi u obje zgrade su funkcionalno namješteni potrebnim pokućstvom. Plaćanje režijskih troškova u ova dva objekta definirano je kriterijima prema kojima su korisnici razvrstani u četiri grupe, u zavisnosti od visine primanja. Prva grupa korisnika, lica u stanju socijalne potrebe, bez primanja, su u potpunosti oslobođena plaćanja režijskih troškova. Druga i treća grupa djelimično učestvuje u snošenju režijskih troškova, a četvrta grupa u cijelosti snosi režijske troškove.

U objektima „Radakovo“ i „Crkvice“ a sa ciljem stvaranja humanijih uslova za stanovanje starih i iznemoglih raseljenih osoba, finansira se projekat „Mobilna kućna njege i pomoć u kući za stara i iznemogla lica“ s ciljem organizacije unutrašnjeg života, nadzora nad održavanjem zgrada, regulisanja režijskih troškova i drugih bitnih poslova od važnosti za kvalitet i standard života stanara, a implementator projekta je JU „Penzionerski dom sa stacionarom Zeničko-dobojskog kantona“. Za navedeni projekat ovo ministarstvo je u toku 2022. godine izdvojilo 60.000,00 KM.

Za raseljena lica smještena u ovim zgradama obezbjeđuje se dostava toplog obroka putem Javne kuhinje.

Na ime režijskih troškova u ova dva objekta u toku 2022. godine iz Budžeta Zeničko-dobojskog kantona isplaćeno je cca 47.000,00 KM.

U 2022. godini Ministarstvo je nastavilo pružati pomoć za porodice koje su usljed prirodne nesreće izmještene iz svojih domova (poplave i klizišta) kroz plaćanje stanarine dok im se ne saniraju ili izgrade novi stambeni objekti. Važno je napomenuti da se svaka tri mjeseca, donošenjem novog rješenja, utvrđuje opravdanost nastavka korištenja prava. Pravo na ovu

pomoć ostvaruju još dvije porodice, a utrošena su sredstva u iznosu 2.790,00 KM.

4. POVRATAK RASELJENIH LICA NA PODRUČJE KANTONA

Tačan broj povratnika na područje Kantona nije moguće utvrditi s obzirom da povratnici nemaju zakonsku obavezu prijavljivanja povratka. Povratnici se prijavljuju u općinama povratka samo u slučajevima kada traže ostvarenje nekog od prava koja proizilaze iz statusa povratnika a koja su definirana Zakonom o raseljenim licima i povratnicima („Službene novine Zeničko-dobojskog kantona“, broj: 6/06, 10/08 i 10/11). Važno je naglasiti da je u svim općinama okončana provedba imovinskih zakona.

5. PROJEKTI OBNOVE STAMBENOG FONDA I ODRŽIVOG POVRATKA

Jedno od osnovnih prava raseljenih lica utvrđeno Zakonom o raseljenim licima i povratnicima („Službene novine Zeničko-dobojskog kantona“, broj: 6/06,10/08 i 10/11) je pravo na pomoć u nužnoj opravci vlastitih kuća ili stanova za trajni povratak na prijeratno prebivalište.

Stalan je problem pomoći u povratku raseljenim licima osiguranjem obnove stambenog fonda u slučajevima kada projekti obnove ne mogu biti realizirani zbog miniranog područja, nemogućnosti transporta građevinskog materijala do lokaliteta gradnje zbog devastiranih putnih komunikacija, devastiranosti infrastrukturne mreže-voda, električna energija, kanalizacija i sl.

Poseban problem predstavlja način trajnog rješavanja smještaja lica čiji je status revidiran na temelju zaštite ljudskih prava, humanitarnih i drugih razloga (žrtve nasilja, traume i zlostavljanja) kao i za invalidna lica, hronične bolesnike, porodice sa jednim roditeljem, stara i iznemogla lica bez sredstava za život, lica bez imovine i ostalih koji imaju razlog zbog kojeg ne žele da se vrate zbog nemogućnosti rekonstrukcije prijeratnih stambenih jedinica te lica koja imaju objektivne razloge zbog kojih se ne vraćaju. Zbog navedenog, Ministarstvo je izradilo Zakon o socijalno neprofitnom stanovanju Zeničko-dobojskog kantona koji je Skupština Zeničko-dobojskog kantona donijela 2013. godine. Donošenjem ovog zakona omogućena je implementacija projekata Vijeća Evrope, Ministarstva za ljudska prava i izbjeglice i Federalnog Ministarstva raseljenih osoba i izbjeglica-“Regionalni stambeni projekat-RSP” i “Zatvaranje kolektivnih centara kroz omogućavanje javnih stambenih rješenja-CEB II”.

U skladu sa odredbama navedenog zakona, a s ciljem zaštite ranjivih kategorija raseljenih lica, Ministarstvo je u saradnji sa gradovima i općinama izradilo Odluku o kriterijima i postupku ostvarivanja prava na subvencioniranje zakupnine u ovim stanovima kojom su definirani korisnici i procenat sredstava koja se obezbjeđuju u Budžetu Zeničko-dobojskog kantona i gradovima/općinama Zeničko-dobojskog kantona. Vlada je donijela predloženu Odluku u aprilu 2018. godine. Za korisnike koji su definirani ovom Odlukom Ministarstvo plaća 60% a gradovi/općine 40% visine zakupnine.

U toku 2022. godine pravo na subvenciju troškova stanovanja ostvarila je 85 porodica, za koje je iz Budžeta kantona u 2022. godini, utrošeno 8.003,57 KM.

5.1. PROJEKTI POTPORE POVRATKU MINISTARSTVA ZA RAD, SOCIJALNU POLITIKU I IZBJEGLICE ZENIČKO-DOBOJSKOG KANTONA

Ministarstvo je u toku 2022. godine u skladu sa Zakonom o raseljenim licima i povratnicima („Službene novine Zeničko-dobojskog kantona“, broj: 6/06,10/08 i 10/11) i Pravilnika o utvrđivanju uslova, kriterija i postupka za odabir korisnika projekata obnove infrastrukture i stambenih objekata raseljenih lica i povratnika na području Zeničko-dobojskog kantona i mjestima povratka raseljenih lica koja su imala status raseljenog lica na području

Zeničko-dobojskog kantona („Službene novine Zeničko-dobojskog kantona“ broj 8/22) i Pravilnika o izmjenama i dopunama Pravilnika o utvrđivanju uslova, kriterija i postupka za odabir korisnika projekata obnove infrastrukture i stambenih objekata raseljenih lica i povratnika na području Zeničko-dobojskog kantona i mjestima povratka raseljenih lica koja su imala status raseljenog lica na području Zeničko-dobojskog kantona, broj: 09-02-3120-1/22 od 21.10.2022. godine, učestvovalo u finansiranju i sufinansiranju infrastrukturnih projekata za obnovu, u saradnji sa općinama/gradovima, povratničkim mjesnim zajednicama, udruženjima kao i sa vjerskim zajednicama, s ciljem potpore održivom povratku i ekonomskom osnaženju povratničkih zajednica i pojedinaca. Iz Budžeta kantona za 2022. godinu, za ovu namjenu, utrošeno je 1.226.164,43 KM.

Projekti koji su sufinansirani sredstvima iz Budžeta Zeničko-dobojskog kantona za 2022 godinu, u saradnji sa općinama/gradovima, povratničkim mjesnim zajednicama, udruženjima i vjerskim zajednicama, su:

r/b	Naziv projekta	Iznos
1.	MZ Radojičići, Maglaj- zahtjev za sufinansiranje projekta „Sanacija putne infrastrukture u MZ Radojičići.	25.000,00
2.	MZ Bradići, Maglaj- zahtjev za sufinansiranje izgradnje puta u povratničkoj MZ Bradići, općina Maglaj	10.000,00
3.	Grad Doboj- zahtjev za sufinansiranje infrastrukturnih projekata u povratničkim mjesnim zajednicama	50.000,00
4.	Medžlis IZ Zavidovići sufinansiranje obnove nacionalnog spomenika stara džamija u Rujnici.	46.578,40
5.	MZ Kopice Maglaj za finansijsku pomoć, u svrhu realizacije izgradnje društvenog doma u MZ Kopice	34.226,00
6.	Općina Breza uputila zahtjev za sufinansiranje sanacije dijela javne rasvjete na području općine Breza.	15.654,60
7.	MZ Želeća – Sanacija puta u MZ Želeća, općina Žepče	16.432,27
8.	Općina Olovo 1 Rekonstrukcija lokalnog puta Dolovi-Ajdinovići 2. sanacija ločalnog puta Lišci-Gornji Lišci	90.000,00
9.	Grad Zavidovići zahtjev za izgradnju cestovnog mosta preko rijeke Krivaje u naselju Stog	100.000,00
10.	Općina Usora-Ularice-zahtjev za asfaltiranje puta	60.000,00
11.	MZ Ribnica – Grad Zavidovići Izgradnja javne rasvjete na području MZ Ribnica (24.954,70)	24.954,70
12.	MZ Krivaja - Smailbašići "Rekonstrukcija mjesnog doma u naselju Krivaja, MZ Krivaja - Smailbašići" grad Zavidovići	50.000,00
13.	MZ Kovači „Rekonstrukcija društvenog doma“ „Sanacija puta u MZ Kovači“	20.000,00

14.	MZ Stipovići „Projekat javne rasvjete“	30.000,00
15.	MZ Smailbašići „Izgradnja i asfaltiranje puta u Šadićima“	30.000,00
16.	MZ Mećeвиći “Rekonstrukcija društvenog doma“	25.000,00
17.	Općina Žepče „Sanacija lokalnog puta u MZ Bistrica“	56.587,00
18.	Srpska pravoslavna crkvena opština Kakanj „Sanacija i rekonstrukcija hidroizolacije i fasade“	45.000,00
19.	MZ Gostović „Betoniranje putne isfrastukture“	100.561,50
20.	Općina Vareš „Sanacija krova na društvenom domu“	25.015,16
21.	MZ Gornja Ozimica „Asfaltiranje dionice puta Kreševac-Lipovac“	26.141,00
22.	MZ Branioci grada „Rekonstrukcija objekta čitaona“ „Rekonstrukcija puta u MZ B.G.“	40.000,00
23.	MZ Krivaja „Izgradnja javne rasvjete“	47.000,00
24.	MZ Gostović, asfaltiranje putne isfrastukture	10.000,00
25.	MZ Brezik, Grad Zavidovići, Betoniranje putne isfrastukture	35.000,00
26.	Općina Kakanj, adaptacija društvenog doma u MZ Haljinići	45.000,00
27.	MZ Radojičići, uređenje grobalja	8.000,00
28.	Župa Srce Isusovo Zenica, adaptacija crkve	25.000,00
29.	MZ Kruševo, Općina Olovo, Izgradnja sportskog poligona u MZ Kruševo	25.000,00
	UKUPNO	1.116.150,63

Pomoći pojedincima koje su finansirane iz Budžeta Zeničko-dobojskog kantona u 2022. godini, s ciljem stvaranja minimalni stambenih uslova, podsticaja i održivosti povtarka na području Zeničko-dobojskog kantona i van područja Zeničko-dobojskog kantona, su:

r/b	Ime i prezime	Iznos
1.	Grozdić Dragomira za sanaciju krovne konstrukcije stambenog objekta imenovanog povratnika	5.000,00
2.	Todorović Toda za sanaciju kupatila i stolarije na stambenom objektu imenovane povratnice	2.500,00
3.	Hasan Avdić, rješavanje sanacije kupatila	3.500,00
4.	Senad Hodžić, pomoć u nabavci kosilice	1.650,00
5.	Elzin Bjelobrković pomoć pri uknjižbi objekta	1.862,80
6.	Husičić Osman, adaptacija kuce	5.000,00
7.	Hadžikadunić Rasim, ugradnja stolarije	5.000,00
8.	Seid Sadiković, adaptacija kuće	5.890,00
9.	Đuzel Suada, adaptacija kuće	5.500,00
10.	Karavdić Asif, adaptacija stambenog objekta	8.000,00
11.	Ekmekčić Adnan, adaptacija krova	6.138,00
12.	Ljubica Marijanović, adaptacija kuće	20.000,00
13.	Sarajlić Marinko, adaptacija kuće	15.000,00
14.	Jukić Mara, adaptacija kuće	20.000,00

15.	Mehinović Amel, adaptacija kuće	4.973,00
	U K U P N O	110.013,80

6. OSTALE POMOĆI ZA RASELJENA LICA I POVRATNIKE

Ministarstvo za rad, socijalnu politiku i izbjeglice je na osnovu Zakonom o raseljenim licima i povratnicima („Službene novine Zeničko-dobojskog kantona“, broj: 6/06,10/08 i 10/11) i Pravilnika o načinu ostvarivanja prava na novčanu pomoć za raseljena lica i povratnike u Zeničko-dobojskom kantonu („Službene novine Zeničko-dobojskog kantona“, broj: 6/22), odobrilo jednokratne novčane pomoći za 40 raseljenih lica, za što je u toku 2022. godine, utrošeno cca 13.000,00 KM iz Budžeta kantona.

7. ZAKLJUČNA RAZMATRANJA

Sagledavajući problematiku raseljenih lica kojima su još uvijek neriješeni egzistencijalni problemi, potrebno je na senzibiliziran način pristupiti iznalaženju trajnih rješenja, bilo izgradnjom zgrada za socijalno-neprofitno stanovanje, ili kroz smještaj u socijalno-zdravstvene ustanove. Donošenjem Zakona o socijalno-neprofitnom stanovanju Zeničko-dobojskog kantona omogućena je realizacija projekata Vijeća Evrope, Ministarstva za ljudska pava i izbjeglice i Federalnog Ministarstva raseljenih osoba i izbjeglica-“Regionalni stambeni projekat-RSP” i “Zatvaranje kolektivnih centara kroz omogućavanje javnih stambenih rješenja-CEB II”.

U narednom periodu izgradnja stanova za socijalno-neprofitno stanovanje treba biti model zbrinjavanja posebno ranjivih kategorija raseljenih lica i povratnika.

U narednom periodu potrebno je:

- Nastaviti aktivnosti zajedno sa Federalnim ministarstvom raseljenih osoba i izbjeglica te gradovima/općinama Kantona, na provođenju konkretnih projekata obnove stambenog fonda, podsticaju i održivosti povratka obnovom infrastrukture i ekonomskim osnažanjem povratničkih zajednica.
- Nastaviti saradnju sa nevladinim organizacijama na realizaciji zajedničkih projekata obnove stambenog fonda, sa posebnim akcentom na zbrinjavanje ranjivih kategorija raseljenih lica, uključivanjem nevladinih organizacija kod izrade projekata i monitoringa, s ciljem stvaranja kvalitetnijeg življenja i reintegracije povratnika u lokalne zajednice, a što je jedan od načina zadržavanja pažnje međunarodnih donatora prema Bosni i Hercegovini.

Zenica, decembar 2022. godine

Ministarstvo za rad,
socijalnu politiku i izbjeglice

Obrađivač akta

Adisa Jerković

MINISTAR

Zlatko Jelić